



**Komisija za zaštitu javnog zdravlja,  
sanitarnu zaštitu i zaštitu stanovništva  
Skupštine Kantona Sarajevo**  
Broj: 01-04- 1170/23  
Sarajevo, 23.01.2023.g.

**VLADA KANTONA SARAJEVO  
ZASTUPNICI U SKUPŠTINI KANTONA**

U skladu sa članom 47. Poslovnika Skupštine Kantona Sarajevo, Komisija za zaštitu javnog zdravlja, sanitarnu zaštitu i zaštitu stanovništva Skupštine Kantona Sarajevo na sjednici održanoj 23.01.2023g. razmatrala je tačke dnevnog reda 3.radne sjednice Skupštine Kantona Sarajevo iz oblasti zdravstva, te nakon obavljene diskusije podnosi sljedeći

**I Z V J E Š T A J**

**Prijedlog Zakona o uvjetima koje treba ispunjavati Kantonalna bolnica**

Komisija je podržala Prijedlog Zakona o uvjetima koje treba ispunjavati Kantonalna bolnica **uz dole navedene primjedbe za koje predlaže predlagачu da se** razmotre i eventualno prihvate, kako slijedi:

Član 7. stav (1) „Kantonalna bolnica dužna je obezbijediti minimalne prostorne kapacitete propisane Pravilnikom, te dodatno i:

- a) prostor za prehranu i dnevni boravak pacijenata i
- b) prostor za posjet pacijenata

**Navedeni član 7. Nacrta propisuje šire i obavezujuće uslove od Pravilnika o bližim uvjetima prostora, oprema i kadra za osnivanje i obavljanje zdravstvene djelatnosti u zdravstvenim ustanovama („Službene novine FBiH“ broj: 5/20) gdje su propisani članom 138. uslovi u pogledu prostora koji bolnica mora imati, dok je u pogledu iznad navedenog propisano da „Bolnica može imati i prostor za prehranu i dnevni boravak pacijenta, te prostor za posjet pacijenta“. Osiguravanje posebnog prostora za ishranu i posjet pacijentima na svim odjelima Kantonalne bolnice, zahtjevalo bi i ulaganja. Navedeni dio člana 7. bi trebalo ili brisati, Pravilnik je članom 138. uredio navedenu oblast, izuzetno predvidjeti za tačno određene odjele takvu obavezu cijeneći potrebe pacijenata.**

Član 18. „ Svi bolnički odjeli dužni su osigurati odgovarajuću opremu za kardiopulmonalnu reanimaciju koja se sastoji od seta za intubaciju, balona za umjetnu ventilaciju s pripadajućim maskama i tubusima, pokretnog aspiratora, defibrilatora s ekranom i pisačem.“

**Navedena dužnost za sve odjele da osiguraju operemu za kardiopulmonalnu reanimaciju je teško izvodiva u našim zdravstvenim ustanovama. Bolnice imaju portabilnu opremu za kardiopulmonalnu**

**reanimaciju. U tom smislu, taj član Zakona trebao bi se urediti na način da ne bude obaveza svakog odjela, možda da se precizira najmanji broj portabilnih za cijelu bolnicu.**

Član 19. stav (1) tačka c) „za nefrologiju je potrebno da budu obezbijedenje bolesničke sobe za nefrološke pacijente i prostor za hitnu hemodijalizu“

**Navedeno kao obavezan uslov obzirom na manjak stručnog kadra u Kantonu Sarajevo moglo bi predstavljati problem, sa tim u vezi propisati kao mogućnost, a ne obavezu ili brisati.**

Član 20. stav (1) kojim se propisuju kabineti kao specifični prostor i oprema za djelatnost pedijatrije.

**U Kantonu Sarajevo kabineti za EEG, kardiologiju, pulmologiju, gastroenterologiju su potrebni, ali potrebno je voditi računa o nedostatku stručnog kadra, kao i da Kantonalna bolnica obavlja djelatnost pedijatrije sekundarnog nivoa, a samo izuzetno tercijarnog. Sa tim u vezi navedeno ne bi trebalo biti obavezan uslov.**

Član 21. (1) Djelatnost infektologije obavezno se pruža u prostorijama propisanim čl. 7. i 8. ovog zakona i Pravilnikom i dodatno treba raspolagati sljedećim specifičnim prostorom:

- a) vešerajem za infektivni material,
- b) kuhinjom i
- c) sobom sa ultravioletnim zračenjem

**Nije poznato da neka zdravstvena ustanova u FBiH ima odvojenu kuhinju i vešeraj isključivo za Infektologiju. Veš se na odjelima sortira i odvojeno dostavlja vešeraju gdje se uz poštivanje svih procedura postupa sa onim pristiglim sa Infektivnog odjela. Također i uslovi odvojene kuhinje. Navedeno bi zahtjevalo velika ulaganja za svaku zdravstvenu ustanovu. Obzirom da se radi o uslovima šire propisanim od Pravilnika, to isto nije ni nužno za bolničku ustanovu pa bi se trebalo brisati, svakako ne ostaviti kao obavezan uslov.**

Član 23. Specifični prostor i oprema za djelatnost psihijatrije

**Psihijatrija ne bi trebala biti propisana kao obavezni uslov za Kantonalnu bolnicu. Prednje, posebno imajući u vidu da je Kanton osnivač i Javne ustanove Psihijatrijska bolnica Kantona Sarajevo čija djelatnost je pružanje usluga specijalističko-konsultativne i bolničke zdravstvene zaštite isključivo u oblasti psihijatrije, na sekundarnom nivou, na području Kantona Sarajevo.**

Član 27. stav (1) „Djelatnost fizikalne medicine i rehabilitacije obavezno se pruža u prostorijama propisanim čl. 7. i 8. ovog zakona i Pravilnikom, i dodatno treba raspolagati sljedećim specifičnim prostorom:

- a) prostorom za rehabilitaciju djece sa poteškoćama u razvoju“

**Niti jedna zdravstvena ustanova u KS nema takav specifični prostot, navedno bi iziskivalo veće troškove. U svakom slučaju djeci sa poteškoćama u razvoju neophodno je pružiti podršku ali navedeno kao uslov za priznavanje statusa Kantonalna bolnica ne bi trebalo biti obavezno, možda kao mogućnost, neophodna i oprema i kadar na nivou Kantona.**

**Zaključak: Provođenje uslova iz Nacrta Zakona u suštini, izuzev gore navedenih primjedbi, uz određene koji se propisuju Zakonom pozivaju se više-manje na Pravilnik, osim dodatnih uslova koji su taksativno pobrojani za pojedine djelatnosti, a koji su širi od onih u Pravilniku. Iste uopće nije trebalo predviđati kada je sve već propisano Federalnim pravilnikom, a sam Zakon je samo formalno pravni uslov da bi Kanton imao Kantonalnu bolnicu.**

**PREDSJEDAVAJUĆA KOMISIJE**

**dr. Fatima Gavrankapetanović-Smailbegović,s.r.**



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)